



KEMENTERIAN KOMUNIKASI
DAN MULTIMEDIA MALAYSIA

KENYATAAN MEDIA

JAWATANKUASA SIASATAN BERHUBUNG CIAPAN TIDAK SENONOH PADA TAHUN 2014 DI AKAUN RASMI TWITTER MCMC

Kementerian Komunikasi dan Multimedia Malaysia (KKMM) hari ini telah menubuhkan Jawatankuasa Siasatan Kes Ciapan Tidak Senonoh Tahun 2014 di Akaun Rasmi Twitter Suruhanjaya Komunikasi dan Multimedia Malaysia (MCMC) yang dipengerusikan oleh Timbalan Ketua Setiausaha (Infrastruktur Telekomunikasi dan Ekonomi Digital), KKMM dan dianggotai oleh empat orang ahli Jawatankuasa.

Jawatankuasa ini akan menjalankan siasatan dengan terperinci bermula 15 Januari 2021 mengenai isu ciapan tidak senonoh akaun Twitter MCMC tersebut bagi mengenal pasti punca melalui penelitian dokumen, peraturan, kaedah pengendalian dan pihak-pihak yang terlibat serta kemungkinan wujudnya unsur-unsur penyalahgunaan atau penyelewengan.

Jawatankuasa ini juga akan mengesyorkan tindakan yang bersesuaian, antaranya tindakan tatatertib, surcaj, membuat laporan polis atau laporan kepada Suruhanjaya Pencegahan Rasuah Malaysia (SPRM) atau tindakan sivil di mahkamah terhadap pihak yang terlibat sekiranya wujud kecuaiian atau salah laku dalam isu ini. Langkah-langkah penambahbaikan juga akan dicadangkan bagi memastikan perkara seumpama ini tidak berulang di masa hadapan.

Siasatan akan dilaksanakan secara telus dan laporan hasil siasatan akan dikemukakan kepada Menteri Komunikasi dan Multimedia, YB Dato' Saifuddin Abdullah bersama-sama syor untuk tindakan selanjutnya dengan segera.

**DATO' SRI HAJI MOHAMMAD BIN MENTEK
KETUA SETIAUSAHA
KEMENTERIAN KOMUNIKASI DAN MULTIMEDIA MALAYSIA**

14 JANUARI 2021